

Broj: 6818/21
Bihać, 09.11. 2021. godine

Na osnovu člana 20.a Zakona o radu (Sl. novine F BiH broj: 26/16 i 89/18), člana 4. Uredbe o postupku prijema u radni odnos (Sl. glasnik Unsko-sanskog kantona broj: 7/19 i 11/19), člana 3., 11. i 13.. Pravilnika o radu ZU Dom zdravlja Bihać broj: 1932/20, Odluke direktora o potrebi prijema u radni odnos na neodređeno vrijeme broj: 6813/21, te člana 36. Statuta ZU Dom zdravlja Bihać, v.d. direktor raspisuje

JAVNI OGLAS

za prijem u radni odnos na neodređeno vrijeme

I

Specijalista porodične/obiteljske medicine u Službi porodične/obiteljske i opće medicine..... 1 izvršilac

II

Kandidati trebaju ispunjavati slijedeće **Opće uslove:**

- Da su državljani BiH,
- Da su stariji od 18 godina,
- Da su fizički i psihički sposobni za obavljanje poslova radnog mjesta (izabrani kandidati će biti dužni prije zasnivanja radnog odnosa dostaviti ljekarsko uvjerenje o zdravstvenoj sposobnosti izdato od strane ZU Dom zdravlja Bihać).

III

Kandidati trebaju ispunjavati slijedeće **Posebne uslove:**

- VSS - Medicinski fakultet,
- Položen specijalistički ispit iz porodične/obiteljske medicine ili položen specijalistički ispit iz druge oblasti medicine sa završenom edukacijom iz porodične obiteljske medicine (PAT)

Mjesto obavljanja rada: ZU Dom zdravlja Bihać sa terenskim ambulantama, radno vrijeme od 07:00h do 15:00h.

Kratak opis poslova: obavlja svoju djelatnost obezbjeđenjem svih radova primarne zdravstvene zaštite, obavlja prve i ponovne preglede, kućne posjete, kućno liječenje, vrši aktivni nadzor svih populacija i nozoloških grupa, vrši zdravstveni odgoj i higijensko – epidemiološki nadzor nad pacijentom i njegovom porodicom, dvije trećine radnog vremena provodi u ordinaciji radi pružanja usluga, vrši hitne preglede urgentnih slučajeva, uspostavlja dijagnoze i planira tretman i liječenje najvećeg broja oboljenja na svom području, otvara bolovanje i izdaje doznake za vrijeme privremene spriječenosti za rad, izdaje izvode iz medicinske dokumentacije na zahtjev pacijenta ili ovlaštenog organa, obavlja konsultacije sa specijalistima drugih grana medicine, vrši pripreme za rad na terenu, obavlja zdravstveni odgoj pacijenta, obavlja administrativne poslove, jednu trećinu radnog vremena provodi na terenu (porodici) vršeći zdravstvene usluge, kućne posjete samoinicijativno i po pozivu, zbrinjava hitne slučajeve, vrši obilazak pacijenata u bolnici, obavlja konsultacije sa bolničkim ljekarima, saraduje sa organizacijama i Ustanovama na svom području, vrši zdravstvenu edukaciju i unapređenje zdravstvene kulture saradnjom sa školama, socijalnim ustanovama i drugim institucijama u svom području, obavlja i druge poslove po nalogu neposrednog rukovodioca.

IV

Kao dokaz o ispunjavanju uslova kandidati su dužni dostaviti slijedeću dokumentaciju:

- Potpisana prijava sa kratkom biografijom, adresom i kontakt telefonom,
- Izvod iz matične knjige rođenih
- Uvjerenje o državljanstvu
- Prijava mjesta prebivališta
- Diploma o završenom medicinskom fakultetu
- Uvjerenje o položenom specijalističkom ispitu iz porodične/obiteljske medicine ili Uvjerenje o položenom specijalističkom ispitu iz druge oblasti medicine
- Uvjerenje/Potvrda o završenoj edukaciji iz porodične obiteljske medicine (PAT) - samo za kandidate koji kao dokaz o položenom specijalističkom ispitu prilažu Uvjerenje o položenom specijalističkom ispitu iz druge oblasti medicine

Javni oglas ostaje otvoren 7 dana od dana objave u dnevnim novinama.

Dokumentacija koja se podnosi uz prijavu mora biti u originalu ili u ovjerenoj kopiji i ne smije biti starija od 6 mjeseci.

Kandidat je u prijavi u obavezi naznačiti na koje radno mjesto se prijavljuje, u suprotnom će se prijava odbaciti. Neblagovremene, nepotpune i nepotpisane prijave se neće uzeti u razmatranje.

O datumu, vremenu i mjestu pristupanja polaganju pismenog i usmenog ispita kandidati će biti obavješteni telefonskim putem i putem e-mail adrese kandidata. Polaganju ispita će pristupiti kandidati koji su podnijeli urednu, potpunu i blagovremenu prijavu.

Kandidati koji ne pristupe zakazanom ispitu smatrat će se da su odustali od prijave na javni oglas.

Kandidati koji su demobilisani borci, članovi porodice šehida i poginulih boraca ili imaju status ratnih vojnih invalida, ili su članovi porodice ratnih vojnih invalida prema propisima koji regulišu oblast boračko invalidske zaštite, dužni su dostaviti dokaz o ovom statusu (potvrda, uvjerenje i sl.) koje prilažu prilikom prijave na Javni oglas, te će imati prioritet u zapošljavanju ukoliko budu ostvarivali jednak broj bodova u odnosu na druge kandidate.

Svi traženi dokumenti koji služe kao dokaz o ispunjavanju uslova se neće vraćati.

Prijave na oglas sa potrebnom dokumentacijom u zatvorenoj i neprovidnoj koverti na kojoj se **obavezno navode** podaci o podnosiocu (puno ime i prezime i adresa stanovanja) se dostavljaju putem preporučene pošte ili neposredno putem protokola Poslodavca na adresu:

ZU DOM ZDRAVLJA BIHAĆ
Put V Korpusa bb.

77000 Bihać, Komisija za izbor kandidata za prijem u radni odnos sa
Naznakom ; „NE OTVARAJ-PRIJAVA NA JAVNI OGLAS“.

Kontakt telefon za davanje dodatnih obavještenja je 037/312-421.

Izbor iz reda prijavljenih kandidata koji ispunjavaju uslove oglasa izvršit će se u skladu sa Zakonom o radu F BiH (Sl. novine F BiH br.26/16 i 89/18), Uredbom o postupku prijema u radni odnos (Sl. glasnik USK-a br. 7/19 i 11/19), Pravilnikom o radu ZU Dom zdravlja Bihać i Poslovnikom o radu Komisije za izbor kandidata za prijem u radni odnos.



V.D. DIREKTOR:
Jusufović dr. Ademir
specijalista stomatološke protetike